

光州鄉土志序

鄉土志者學部編書處通飭直省各州縣纂編者也爲
初等小學堂講求輿地歷史之初基余丙午在江西撫
幕曾核此稿限一年成書乃回籍後吾郡無人經理此
件於是不揣冒昧爰州志而節錄之期於文簡而不漏
易於卒業以作子姪家塾之課程但自慙蕪陋不敢呈
請編書處之鑒訂以備官書也光緒三十三年歲在丁
未春正月申浣郡人胡贊采謹識



光州鄉土志

郡人胡贊采寅谷輯

建置

光州之建始於南朝梁代，治光城縣，後歸北朝，元魏改弋陽郡，北齊文宣爲南郢州，宇文周爲淮南郡，隋混一南北，復置弋陽郡，唐復爲光州，治定城縣，迨五代以及宋初，仍沿唐制，至道中爲蔣州，未幾復改光州，元中統三十年，以光州屬汝寧府，明因之，領光山固始息三縣，復分固始境置商城縣，國朝雍正間，升直隸州，按光州地境，禹貢屬揚州，春秋時爲黃國，亦爲蒞蔣二國地，戰國屬楚，秦屬九江郡。

光州鄉土志

疆域

州治境域，延一百里，袤一百里，西南至光山縣界二十里，東南至商城縣界六十里，東至固始縣界七十里，西至息縣界三十里，北至息縣界四十里，州至河南省八百里，至京師二千四百里，視京師爲東南，今州轄光山固始息縣商城四縣，州城四鄉分爲七十保。

鄉里

光州分里二十有二，舊志領保七十有三，在城保六，曰周全保，曰龍門保，曰寧安門保，曰大南門保，曰小南門保，曰賢興街保。

東鄉里八

上油里領保二，曰上油崗，曰桃莊寺，
春河里領保三，曰桃林舖，曰和睦店，曰大沙灣，
西葛里領保三，曰清水港，曰觀音堂，曰傘陂寺，
雷盛里領保二，曰河陂寺，曰樊家寺，
高店里領保三，曰高店，曰張家集，曰麻樹店，
東里領保三，曰官渡，曰黃寺岡，曰郭爾灘，
朱店里領保六，曰大閭河，曰小閭河，曰談家店，曰
古城，曰呂家店，曰祖師廟，
甘莊里領保三，曰白鷺河，曰尤家廟，曰李家店，

南鄉里六

光州鄉土志

二

經坊里領保四，曰沙溝店，曰經坊寺，曰下亞港，曰
傅流店，

馬湖里領保四，曰馬家湖，曰廟子岡，曰虎行店，曰
竹木廠，

廣陽里領保二，曰杜傅店，曰王家集，

安璧里領保三，曰果子園，曰磨臺寺，曰江家集，
官莊里領保三，曰雙柳樹，曰朱陂店，曰喻桑園，
秋林里領保三，曰潘家店，曰白宿店，曰上亞港，

西鄉里二

寨河里領保三，曰寨河店，曰駱家店，曰陸家店，
南里領保四，曰傅家店，曰灣店，曰梁家店，曰榆樹

店

北鄉里六

龍港里領保二、曰龍港寺、曰毛莊廟、

鳳凰里領保三、曰淮鳳集、曰江興集、曰府君廟、

桑園里領保三、曰余家店、曰柳家店、曰茶巷、

白虎里領保二、曰九里溝、曰鄧家店、

北里領保三、曰小東關、曰五里塘、曰北關、

新興里領保三、曰新集、曰中途店、曰鄭家店、

按今城內無大小南門二保、止南門一保、無周

全保、止有周龍保、無龍門、無賢典街保、兩城共

僅三保、鄉里無灣店保、有叢樹林保、鄉城共七

十保、與乾隆州志畧異

山

州之山脈、其來有二、一自嵩嶽內方來、逕舞陽確
山、羅山而東、迤邐至息縣、層岡委蛇、皆其餘脈、一
自熊耳外方、桐柏來、逕安陸麻城、抵光山而東、與
商之西南境諸山、絡繹起伏、再東南一百一十里、
則入安徽六安州界、由商城東北、折爲國始諸山、
又東逾五十里、則山接安徽霍邱界、東南逾九十
里、山接安徽六安界、至由固始而西、入州治境、則
皆平原大隰、縱有岡阜、不過光商之餘絡而已、浦
口岡、在州境西三十里、脈自光之天賜山來、屈曲

經互迤東至於州北城北城所踞即其委屬也又循漢水北岸迤邐東北至漢口入淮其尾乃盡鳳凰岡在州境東七里脈自商之七里山口來環城東南若列屏嶂迤邐東北盡上油岡之尾皆其分支也由鳳凰岡而南爲趕龍灣爲南嶽岡又南爲張家岡爲傘陂寺岡下瞰亞港又東南爲王寺岡下瞰白鷺水又南爲磚塔岡一名彭山

水

光州全部之水淮爲大汝次之黃與史又次之寨與曲與白鷺又次之澗與灌與澗與栲栳又次之其餘如春河梅林高陌皂靴石槽等水在其本境

光州鄉土志

四

亦各統納諸澗竇皆附他水以達淮

州北三十里淮河爾雅淮爲澗澗爲厓今淮自息至州界濱岸皆高三仞餘故爾雅以淮爲澗也壑水出白沙山東北逕紫亭西俗謂之柴水即今州治西北三十五里堡子口之寨河柴寨音近故訛之水自光山西南牟山來至何家畝西與清流河合又南與龍潭沖水會又東北至堡子口又東至華家埠入淮

黃水出黃武山即今麻城北九十里之分水嶺也

今名舊河自光山西南境來爲官渡河迤東合陸山河又北至宴家河東南與三道河會又東與梅

林河會又東北與臨仙河會，在光山南二十里，右會高陌河，入官渡者也。又光山南七十里，有喬亭河，四十五里，有潑陂河，三十里，有紅石河，皆入官渡水。東北至州治，貫城東出，逕上油岡，東北兩河口入淮。

初黃水由州治南，沙溝轉東，後宋慶元中，知州事梁季泌議改築兩城，導河貫城東去，其河之汊支，今猶自西南循沙溝故道，繞南城而東，分爲大閭河、小閭河，迤邐東北，由新集南歸正支入淮。

白鷺水，在州東南四十里，源出分水嶺東，即今光

之雙輪河也。北歷陰山關，入州界。

明史地理志：光州西南有陰山

關，東北得詔虞水，即今州東之春河也。出商城北黑山坡，東北流至固始白廟店，西北歸白鷺，入史河。州治南七里，平源鄉金線泉，其水湧出不竭，北入沙溝，達於黃水。

南五十里，有亞港河，自盧家堆發源，逕上下亞港，

東北至郭爾灘，入白鷺河。

西南二十里，有馬家湖，西入黃水。

北有關子湖、濟陂湖、長湖、盧家湖、天井湖、高家湖，俱東北入黃水。

唐以前無考，按五代周世宗二年，詔立標幟，俟農隙興板築，東作動則罷役，更俟次年以漸成之。宋承周業，而光州之城，於宋修築者再，其實今之州城，即舊弋陽城也。地形志謂弋陽在定城縣，漢爲弋陽國，後魏置郡，唐改光州。明一統志云：古黃國，即今之在定城廢縣西十二里，今光州南城，即其地。是定城即弋陽，弋陽即光州也。後唐末朱全忠以軍四十萬攻淮南，屯光州，刺史柴再用嚴守備，城得免。宋寧宗慶元元年，知州梁季泌分建爲南北兩城，周廻九里十三步，高一丈，濠深七尺，門四中，貢小黃河，湯文正公斌所云城形如呂字者是。

光州鄉土志

六

也。時尚土城，明正德六年，經兵燹，城陷。次年，知州李鏗以磚石砌兩城，北城關門五，南城關門六，門上各建樓櫓，沿城並置警鋪，環十四里，崇三丈，厚二丈，隍深九尺。先是兩城之間，造舟爲梁以渡，北亘北城晏公廟門，南亘南城小水巷門。萬曆壬子，知州陳錫爵修鎮潢橋，時北城東門在震方，萬曆乙酉，知州王士崧以形家言，廢晏公廟門，移東門於巽方，與橋相值，名躍龍門，即後清晏門也。明末流寇之氛甚熾，知州李時芳闢南城拱宸門，亦與橋值，爲便於巡視計，而門去北面東西兩門，不過數十丈，南城之腹遂傷。

國朝乾隆二十三年知州吳一嵩改建鎮潢橋西亘南城之甯安門北城則另闢新門曰大順門南與橋值北城周圍一千零七十六丈八尺高二丈濠寬四丈深一丈北城門五北曰北門西曰西門東曰承和南二西曰龍門東曰大順南城門六北二東曰康濟西曰甯安南二西曰大南門東曰小南門西一曰西門東一曰東門三十三年黃水漲及城址城垣二十三段知州高兆煌復請捐修並建護城石堤一長二十五丈高一丈五尺草壩一長一百五十七丈高一丈五尺又請閉北城之清宴門於城之震方復闢一門今東之承和是也

光州鄉土志

公署

州署在北城前街舊傳爲春申君宅址宋知州梁季泌創建元末兵燬明洪武五年知州余勝重建宏治十四年知州張輝重修正德七年寇燬知州李鐘重修崇禎十四年寇燬知州徐映春重修國朝順治二年知州李葆玉重修儀門五年知州徐化成重葺大堂改題望雲樓爲鳴薰樓後康熙二十二年知州張信重新大堂及吏役房四十四年知州王植於三堂東建正庭五楹額曰心遠堂雍正十三年知州徐立御改建書吏房於大堂月臺下東西各五間以舊基建倉乾隆十年知州高鑒修葺譙

樓又於心遠堂後建廳五楹曰退思軒堂南左建亭一楹曰古香亭二十年知州吳一嵩重修大堂二十五五年吳一嵩改建大門五楹移譙樓於大門左右按譙樓舊在儀門前磚砌高三丈餘延五丈表三丈中開洞爲大門上建樓三楹中設鐘鼓聲聞十里自唐宋以來相沿歷數百年一嵩以彤家言改建今制三十二年知州高兆煌卽鳴薰樓舊址建後廳五楹三事堂右爲西園內有桑樹一株係明以前物樹西前廳三楹後廳三楹又西有書室三楹其建置年代舊志皆失載

州判署舊在州治儀門內西偏乾隆二十一年移駐

烏龍集卽以州治舊署變價移建於二十二年報竣

試院在州治西係察院舊址雍正三年署知州張球及郡屬官紳捐資創建光緒三十三年改爲學堂書院

康熙五十二年知州劉學禮創建龍門書院於北城東郊外乾隆六年撫軍雅爾公斯圖通飭距省三百里以外之府及直隸州各設書院時護州印息縣知縣梁觀我權立書院於南城之水月觀二十五年知州吳一嵩創建弋陽書院於南城官湖北岸光緒三十年改爲學堂

州之有廟，元以前不可考。舊志載創建之人，則爲秦定開。知州王家奴，明洪武初。知州陳惠，天順五年。知州周濠，宏治六年。知州葉預，相繼修葺。十五年，知州張輝，又重新大成殿，兩廡，戟門，泮池，櫺星門，敬一亭，啟聖祠，奎星樓，溫公祠，與明倫堂東，進德修道二齋，西日新一齋，及日新齋之南省牲所，堂左之祭器庫，堂西之尋樂亭，啟聖祠北之饌堂，明倫堂後之官廨，學東之號舍，舍東有池，中有井，後有圃。正德七年，燬於兵。次年，知州李鏗，嘉靖三十年，知州謝汝誠，隆慶二年，知州張汝學，萬曆四

年，知州陳華，相繼修復。崇禎十四年，經兵燹，大成殿圯，兩廡，戟門，名宦祠，明倫堂，皆燬廢。

國朝順治五年，知州徐化成，修大成殿，建明倫堂。十一年，郡人胡章，修鄉賢祠。康熙三年，知州鄒應錫，修戟門，及名宦祠。十年，知州宋允治，學正張之奇，重修大成殿及兩廡。十七年，知州王守祿，修文廟前門。六十一年，知州劉學禮，重修大成殿，東西廡，櫺星門，及東西兩關門。雍正十一年，知州高士鎰，學正李士訖，增修殿廡，及崇聖祠。乾隆十七年，知州謝鏗，擴明倫堂舊址，建爲五楹。十八年，知州吳一嵩，重新大成殿及兩廡，增建戟門五楹，移建崇聖

祠五楹於大成殿後，改建名宦祠，坐左向在，鄉賢祠坐右向左，其敬一亭，比久遺址，今無存矣。

兵制

明代州僅有民壯兵而已，按舊志，正德七年，州民壯兵三百二十六名，機兵二百二十四名，萬曆三十五年，州馬民壯八十名，步民壯一百八十名。國朝雍正間，初設經制把總，乾隆七年，題准原防光山千總移駐光州，光州把總改駐汝陽，汝陽外委改駐光山，本州民壯兵減額至三十五名，嘉慶間設都司，咸豐間升設遊擊，光緒三十二年裁遊擊，移信陽協駐光州留兵六名。

光州鄉土志

藝文

元 馬祖常英宗實錄，卷失考，列后金鑑，卷失考

雜史 皇圖大訓， 承華事畧， 石田山房

文集

明 劉繪易勺，四卷 春秋管，二十卷 通論，四十篇

奏議，二卷 嵩陽集，十五卷 胡賓四書說，卷失考

劉黃裳元符圖，卷失考 東征雜記，卷失考

海上編，卷失考 陳璋仿倭錄，卷失考 鷓鴣集，

二卷 星湖漫稿，四卷 葆元堂初集，卷失考

喻時正蒙鈔，十卷 天人圖考，卷失考 吳皋文

集，卷失考 熊神止菴集，卷失考 陳九鼎對君

軒集 澄觀齋偶牘 一卷 陳明治文集 八十卷
方日新易說 上下二篇 談經錄 卷失攷 抱膝

樓詩集 二卷

國朝

劉嗣固纂補易經大全 十二卷 經解明陳棐

奏議 一卷 胡延年橫槊餘業 四卷 緝園文集

八卷 黃永傳春秋要義 十二卷

田賦

明萬曆年清丈原額八千八十三頃三十九畝四釐二毫將銀差力差會錢之銀歸入地內一條鞭派征原糧額並加賦共銀二萬三千四百四十四兩四錢四分三絲八忽七微五纖七沙八塵二埃

光州鄉土志

十一

五漈又四十八年每畝加增九釐共增銀七千二百七十五兩五分一釐三毫七絲八忽連前額共銀三萬七百一十九兩四錢九分一釐四毫一絲六忽七微五纖七沙八塵二埃五漈遇閏月每畝加銀八毫七絲六微一纖五沙九塵一埃五漈六漠共加銀七百三兩七錢五分二釐八毫三絲六忽

國朝雍正年現行熟地五千六百一十頃二十八畝四分七釐五毫四絲每畝正供雜辦並加增九釐連閏派銀三分八釐八毫七絲三忽八微四纖二沙

六埃二渺八漢連閩共派銀二萬一千八百四十
四兩三錢一分八釐七毫連本色補徵更名成熟
各項實共徵銀二萬一千八百九十二兩八錢八
分三釐五毫五絲五忽

戶口

明洪武二十六年秋九月戶部奏是歲天下戶口
之數戶一千六百五萬二千八百六十四口六千五
十四萬五千八百七十二今於光緒年查戶五萬四
三十一萬六千三百

市集

正東二十里傘陂寺 二十里官渡 四十里黃

光州郡志

十一

寺岡五十里桃林舖 六十里楊家集 七十
里和睦店

東南三十五里林家寨 瓦子岡 傅流店 經

坊寺 四十里高店 五十里杜傅店 六十

里張家集 王家集 江家集

正南七里沙溝店 二十里下亞港 五十里朱

陂店 六十里雙柳樹

西南二十里白宿店 虎行店 長興集 三十

里潘家店 四十里彭家店 上亞港 七十

里仁和集

正西二十里灣店 傅家店 三十五里駱家店

西北十五里隆古集 二十里余家店 三十里
柳家店 寨河店 四十五里淮鳳集 江興
集
正北二十里鄧家店 三十里新集 四十里中
趙店 府君廟 六十里鄭家店
東北二十里談家店 三十里古城 四十里呂
家店 五十里毛家集 五十五里李家店
六十里上油岡 尤家廟 白鷺河 六十五
里桃庄寺

人物

仕賢在春秋則有楚令尹虞邱子水經注弋陽東有虞邱郭又有

虞邱子相祠在唐則有漳州守陳鄧鸞臺侍郎雲亭
侯方竦在元則有應奉翰林文字監察御史馬
祖常兵部尚書張安仁在明則有南京戶部尚
書熊翀雲南右布政使劉廷瓚洪洞令鄭選重
慶守劉繪甯夏兵備道晉右參議胡賓清苑司
訓賀朝宣開州訓導胡允定景州守陳璋兵部
主事征東監軍劉黃裳繪子洪洞令熊鑑孫曾御
史東宮侍講胡峻德桂東教諭楊繼元山東參
政黃衮襄陽教授胡應選松滋令王繼康耀州
牧羅任嘉湖兵備道方應明元城令按察司僉
事許穎兵部主事胡演峻德子甯晉令胡應瑞

國朝則有兵部侍郎陳裴、洮泯兵備道胡延年、嘉定令唐瑾、甯都令闕碧霞、貴縣令方濟奎、羅源令胡喬年、昌樂令賀基昌、永城縣教諭羅士原、武訓導胡潛、平谷令張恪、豐縣令王初集、陳州學正徐樾、西平訓導劉藻、延津訓導涂勉、通許教諭黃鏞、修武教諭黃汝震。綱元孫文苑在元則有布衣張鉉。

武功在元則有管軍總督贈懷遠大將軍汝南郡侯周全，在明則有廬江侯謚莊毅何德，在

國朝則有宣府總兵官挂鎮朔將軍印、遷山東廣東布政使胡章、浙江提標中軍參將推薦象山鎮總

光州鄉土志

兵阮欽

忠義在唐則有嶺南行軍總管，宋追封廣濟王陳元光，在明則有北平布政使葉芳茂、尉氏教諭董牖、諸生王敏、劉沂、張應捷、黃駿發、熊如騏、李秉忠、賈安世、王麟、蕭岫東、陝西按察使謚忠烈黃燭、天啟辛酉舉人龔業新、天啟甲子舉人薦賢良郭孟秀。

國朝則有湖北按察使李卿毅。諡嚴安徽巡撫李孟羣。諡武敏方伎在唐則有僕僕先生萬奉、精黃白燒煉術黃經善醫方，在宋則有寶麝稱狂僧。

國朝則有吳續精天官六壬，談休咎百不失一，又戲製

木牛流馬盈尺許於几案間負硯而行生動如飛張祝善畫徐時正善書王宸能以五雷法致雲雨唐錫純精瘍科

古蹟

有淮陰亭在白亭隔淮對面有滑州城在州西應是黃城訛誤

有東龍門舊志在定城廢縣西南二十里西龍門在定城廢縣西南一百二

里有弋陽臺太平寰宇記云在定城西二里有霸王臺在州東四

里有黃歇宅即今州治有漆井舊志黃歇造在州治內

黃河北岸有增勝樓有鎮淮樓有籌邊樓俱宋時建

有元馬祖常石田山房南城金斗湖畔有小築

圍明黃北城東郊有緝圍國初胡延年公所自建

光州鄉土志

物產

州境穀之屬以稻為大宗稻有秈有粳秈稻之不黏者也其早穫而尤不黏者曰秈最早者曰六月報小暑即熟曰等苞齊粳甲薄而米堅好曰

芋麻鮮懼風粳薄米白每石可舂米五斗五升

曰銀條占米白粒長味甚芬曰青桿占莖長而

粒多曰百合占芒多穗長早收中收各異俱不

耐旱晚收之秈曰紅毛晚曰黑殼晚二種有芒

耐旱曰瓣子晚穗長粒密亦耐旱曰深水晚夏

種秋收性耐水能從深浸抽莖出水面但須厚

壅復有亢地可藝者曰旱稻甲黑米紅五月種

十月熟。稷，稻性黏，即詩所謂多稌者也。其早獲者曰早稷，曰脂麻稷，二種作餅餌佳。曰老來變，一名泥裏變，言不待晒也。芒，長粒大，色白，早熟，釀酒最佳。中收者曰卡雞稷，芒多，米寡。曰馬牙稷，粒長而白，多蒸晒爲炒米花。曰墊倉底，曰鶩翎白，俱不耐旱。晚收者曰細葉柳，曰陰山稷，俱有芒。曰虎皮稷，有黃斑。曰牛眼白，甲黃，性軟。俱五月種。十月熟。又有色赤者曰紅稷，性煖，堪入藥。又有稭曰矮白，一名師姑稻，粒白無芒。稗，矮五月種，九月熟。

麥一名來，俗爲小麥。爾雅翼云：秋種冬長，春秀夏

實具四時之氣。其地煖處，亦可春種。夏收，四氣不足，微有毒性。有南北之異。北地燥，麥晝花，籽薄，麩多，食之宜人。南方卑溼，麥夜花，性寒，食多腹脹。州麥晝花又有牟，一作麩，即今大麥，宜爲飯，又可爲酢，其麩可爲餈。

梁北方名之曰穀，脫殼則爲粟米，亦曰小米。有青黃白三種，又有赤黑色者。

菽，豆之總名也。州有綠豆、紅豆、黑豆、黃豆、白豆、青豆、豌豆、蠶豆、豇豆、刀豆、匾豆、黎豆。

黍，一名秬，即黑黍。一名秠，一稭，二米粒皆黃色，北人呼爲黃米。